



OPĆINA KAKANJ
Općinski načelnik

MUNICIPALITY OF KAKANJ
Municipality Mayor

Broj:02/1- 2691 /26
Kakanj; 06.04 2026. godine

Na osnovu člana 69. stav (2) tačka d), člana 70. stav (1) i (4) Zakona o javnim nabavkama BiH („Službeni glasnik BiH“, broj: 39/14, 59/22 i 50/24), na preporuku Komisije za javnu nabavku konstatovane Zapisnikom, broj: 08/1-11-1083-2/26 od 26.03.2026. godine, u otvorenom postupku javne nabavke „Hrana i prehrambeni artikli (kafe kuhinja)“, Općinski načelnik kao Ugovorni organ, d o n o s i

ODLUKU o poništenju postupka javne nabavke

Član 1.

Poništava se otvoreni postupak javne nabavke „Hrana i prehrambeni artikli (kafe kuhinja)“, broj: 08/1-11-1083/26 od 23.02.2026. godine, Obavještenje o nabavci, broj: 792-1-1-3-3-5/26 od 24.02.2026. godine, iz razloga što primljena ponuda nije prihvatljiva.

Član 2.

Ova odluka objavit će se na web-stranici Općine Kakanj (www.kakanj.gov.ba).

O b r a z l o Ź e n j e

Na osnovu Odluke o pokretanju postupka javne nabavke, broj: 02/1-1522/26 od 23.02.2026. godine i Obavještenja o nabavci, broj: 792-1-1-3-3-5/26 od 24.02.2026. godine, proveden je otvoreni postupak javne nabavke roba „Hrana i prehrambeni artikli (kafe kuhinja)“. Postupkom je predviđeno zaključivanje okvirnog sporazuma na iznos procijenjene vrijednosti javne nabavke sa jednim ponuđačem na period od četiri godine.

U skladu sa članom 14a. Zakona, Ugovorni organ je izvršio provjeru tržišta te poslao zahtjev za dostavu informativnih ponuda na tri adrese, u svrhu pripreme nabavke i informisanja privrednih subjekata o namjeri pokretanja postupka nabavke. O prethodnoj provjeri tržišta sačinjena je pismena zabilješka o svim radnjama i postupcima i uložena je u predmet spisa zajedno sa kataloškim listovima artikala pojedinih trgovačkih kuća.

Procijenjena vrijednost javne nabavke na period od četiri godine iznosi 60.000,00 KM bez PDV-a. Procijenjena vrijednost javne nabavke za period jedne godine iznosi 15.000,00 KM. Javno otvaranje ponuda održano je dana 16.03.2026. godine sa početkom u 12,00 sati.

Na protokol Ugovornog organa do roka određenog za prijem ponuda, svoju ponudu dostavio je ponuđač INTER – COM d.o.o. Zenica, broj: 078-AS/26 od 12.03.2026. godine, za ponudenu cijenu od 719,36 KM bez PDV-a.

Analizom dokumentacije ponude ponuđača INTER – COM d.o.o. Zenica, u smislu ispunjavanja uslova iz tenderske dokumentacije, utvrđeno je sljedeće:

U Obrascu za cijenu ponude utvrđena je greška u ukupnom zbiru ponude, odnosno ukupna cijena ponude iznosi 719,36 KM bez PDV-a (odnosno 841,65 KM sa PDV-om).

Isppravkom greške, ukupna cijena ponude iznosi 713,06 KM bez PDV-a (odnosno 834,28 KM sa PDV-om).

U skladu sa članom 17. stav 1. i 5. Uputstva za pripremu modela tenderske dokumentacije i ponuda, Ugovorni organ je zatražio pismenu saglasnost za ispravku računске greške od ponuđača INTER -COM d.o.o. Zenica. Dana 18.03.2026. godine, Ponuđač je dostavio pismenu saglasnost da prihvata ispravku računске greške iz ponude, broj: 078-AS/26 od 12.03.2026. godine.

Detaljnijom analizom utvrđeno je da su pojedine stavke robe iz Obrasca za cijenu ponude, značajno su veće u odnosu na trenutne tržišne cijene za pojedine artikle, te dio radi poređenja izdvajamo u nastavku: cappuccino Vanilija (pak 8/1 148 gr.) ponuđena cijena 93,1% veća od tržišne, cappuccino Classic (pak 8/1 148 gr.) ponuđena cijena 93,1% veća od tržišne, čaj – Kamilica filter u vrećici (pak min 20 vrećica po 1,5 gr.) ponuđena cijena 120,6% veća od tržišne, čaj – Menta filter u vrećici (pak min 20 vrećica po 1,5 gr.) ponuđena cijena 120,6% veća od tržišne, čaj – Šumsko voće filter u vrećici (pak min 20 vrećica po 1,5 gr.) ponuđena cijena 43,5% veća od tržišne, čaj – Šipak filter u vrećici (pak min 20 vrećica po 1,5 gr.) ponuđena cijena 76,5% veća od tržišne, čaj – Zeleni filter u vrećici (pak min 20 vrećica po 1,5 gr.) ponuđena cijena 43,5% veća od tržišne, sok 100% Naranča (pak 11- tetrapak) ponuđena cijena 25,3% veća od tržišne, sok 100% Jabuka (pak 11- tetrapak) ponuđena cijena 84,6% veća od tržišne, sok Naranča Nektar 25%, 0,20 l ponuđena cijena 69,8% veća od tržišne, sok Ribizla 25%, 0,20 l ponuđena cijena 54,2% veća od tržišne, sok Višnja 29%, 0,20 l ponuđena cijena 48,4% veća od tržišne, kafa esspresso 1 kg, ponuđena cijena 76,6% veća od tržišne, kafa mljevena (pak min 500 gr.), ponuđena cijena 47,7% veća od tržišne, kafa mljevena (pak min 387 gr.), ponuđena cijena 45,3% veća od tržišne, voda mineralna (pak 0,25 l), ponuđena cijena 42,6% veća od tržišne, vafel proizvod s kokosom i cijelim bademom (pak. 230 gr.), ponuđena cijena 58,9% veća od tržišne, bombonjera sa 8 vrsta odabranih čokoladnih specijaliteta, štapičastog-pločastog oblika zasebno pakovanih (pak. 250 gr.), ponuđena cijena 86,2% veća od tržišne, bombonjera sa 8 vrsta odabranih čokoladnih specijaliteta, štapičastog-pločastog oblika zasebno pakovanih (pak. 400 gr.), ponuđena cijena 69,4% veća od tržišne.

U skladu sa odredbama člana 3. Zakona, Ugovorni organ je dužan postupati s ciljem ekonomičnosti i transparentnosti korištenja javnih sredstava, člana 15. stav (2) tačka b) i e) Zakona, Komisija za nabavku smatra da su iskazane jedinične cijene po pojedinim stavkama u ponudi Ponuđača trenutno znatno veće nego na tržištu, te uzimajući u obzir da je Ugovorni organ Tenderskom dokumentacijom u tački 4. „Način određivanja cijene ponude“, definisao i samu izmjenu cijene tokom trajanja ugovora u skladu sa članom 75. stav (5) Zakona, na osnovu navedenog Komisija zauzima jednoglasan stav da ponuda Ponuđača nije prihvatljiva za Ugovorni organ, primjenom odredbi člana 68. stav (4) tačka j) Zakona.

Obzirom da je Ugovorni organ predvidio provođenje e-aukcije za konkretni postupak nabavke, ista se ne može zakazati iz razloga što nisu ispunjeni uslovi za provođenje iste u skladu sa članom 4. stav (2) Pravilnika o uslovima i načinu korištenja e-aukcije („Službeni glasnik BiH“, broj: 80/23).

Iz navedenih razloga, primjenom člana 2. stav (1) tačka l) podtačka 2), člana 69. stav (2) tačka d) i e) Zakona o javnim nabavkama BiH, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 dana od dana prijema odluke, u skladu sa odredbama Zakona o javnim nabavkama BiH.

DOSTAVLJENO:

1. U spis
2. INTER – COM d.o.o. Zenica,
3. A/a,

